



Kesyon yo poze souvan sou Fòm 1095-A

1. Poukisa NYS State of Health ban mwen yon fòm 1095-A?

Ou te resevwa yon fòm 1095-A paske oumenm ak yon manm fanmi w enskri nan asirans sante prive atravè NY State of Health pou tout oswa yon pati nan ane kalandriye 2018 lan.

Yo remèt Fòm 1095-A sèlman bay kliyan nan Qualified Health Plans (Plan Sante Kalifye, QHP) yo achte atravè NY State of Health nan nivo Bwonz, Ajan, Lò ak Platin. Yo pa bay Fòm 1095-A bay kliyan ki nan plan asirans medikaman chè, plan Medicaid, Child Health Plus, oswa Essential Plan paske yo pa kalifye pou Kredi Enpo sou Prim lan (PTC).

2. Kisa mwen bezwen fè ak fòm 1095-A?

Si oumenm oswa yon manm fanmi w enskri nan asirans sante ak asistans finansyè atravè NY State of Health pou tout oswa yon pati nan ane kalandriye 2018 lan:

W ap bezwen Fòm 1095-A pou konplete deklarasyon enpo federal ou. Asistans finansyè oumenm oswa yon manm fanmi w te resevwa an se te nan fòm peman alavans kredi enpo sou Prim (APTC). Sèvis Revni Entèn lan mande pou moun oswa fanmi ki te resevwa APTC fè deklarasyon revni yo epi tache fòm IRS 8962 a, Kredi Enpo sou Prim (PTC). W ap jwenn Fòm 8962 nan IRS la sou www.irs.gov. Fòm 1095-A ap ede w ranpli Fòm 8962.

Si oumenm oswa yon manm fanmi w enskri nan asirans sante san asistans finansyè atravè NY State of Health pou tout oswa yon pati nan ane kalandriye 2018 lan:

Menm si ou pa te resevwa asistans finansyè pou peye plan sante w, selon revni w, ou kapab toujou jwenn èd nan moman deklarasyon enpo a. W ap bezwen Fòm 1095-A pou ranpli deklarasyon enpo federal ou si ou vle reklame Kredi Enpo sou Prim (PTC) a. PTC a se yon kredi enpo ki ka ba w asistans finansyè pou ede w kouvri pri prim yo. Anjeneral, sèl kontribiyab ki gen salè fanmi an chak ane nan nivo oswa pi wo 200% epi nan nivo oswa pi ba 400% Liy Povrete Federal la kapab reklame PTC a. Enstriksyon yo bay pou Fòm 8962 a ap ede w konnen si ou reponn ak kritè yo pou kalifye pou kredi sa. Si Fòmilè IRS 8962 la di w revni w plis pase 400% Nivo Povrete Federal la (FPL), ou pa kalifye pou èd la.

Ou dwe depoze Fòm 8962 IRS la, Kredi Enpo sou Prim, pou reklame kredi enpo a. W ap jwenn Fòm 8962 IRS la sou www.irs.gov oswa lakay moun kap prepare deklarasyon revni ou an. Fòm 1095-A ou an founi w enfòmasyon w ap bezwen pou ranpli Fòm 8962.

3. Mwen te resevwa 1095-A lane pase, mwen kounye a mwen nan Essential Plan epi mwen pa resevwa youn. Eske mwen pa bezwen fè deklarasyon enpo mwen?

Yo remèt Fòm 1095-A sèlman bay kliyan ki elijib pou Kredi Enpo sou Prim (PTC). Depi lè ou te enskri nan Essential Plan nan lane 2017, ou pa te elijib pou PTC. Manm Essential Plan ap resevwa yon Fòm 1095-B.

4. Ki kategori enfòmasyon ki sou Fòm 1095-A?

Fòm 1095-A gen ladann enfòmasyon ou bezwen pou ranpli Fòm 8962 si ou vle reklame PTC a oswa si w gen pou amonize APTC ou te resevwa deja. Fòm 1095 genyen twa pati:

Pati I: Founi enfòmasyon debaz sou w ou, ak dat debi ak fen yo pou plan sante spesifik ki rapòte sou chak Fòm 1095-A.

Pati II: Founi enfòmasyon sou chak manm fanmi an ki kouvri anba menm polis la. Si w te aplike pou asistans finansyè epi ou te di nou kilès nan fwaye a kap peye taks, Pati II ap sèlman gen ladann enfòmasyon pou pwòp fanmi kap peye taks. Moun ki nan yon fanmi kap peye taks separe ap resevwa pwòp Fòm 1095-A. Si ou pa te aplike pou asistans finansyè, Pati II ap gen ladann tout moun ki enskri nan menm polis la menm si yo pa nan fwaye w kap peye taks.

Pati III: Founi enfòmasyon pou chak mwa nan ane a pou twa bagay:

1. Pataj QHP ou, e si sa valab, prim Pou Swen Dan ki Kanpe Apa, ki atribiye a Benefis Sante Esansyèl (Essential Health Benefits, EHB). Gade kesyon 6 pou plis enfòmasyon sou pri prim sa ki rapòte sou Fòm 1095-A ou an.
2. Montan prim Dezyèm Plan Ajan Pi Ba Pri a (SLCSP) pou fanmi w ki kouvri nan konte rezidans ou. Montan prim SLCSP a founi paske IRS itilize montan prim sa pou kalkile kredi enpo pou kalifye pou li a. Enfòmasyon sa yo bay sèlman pou moun ki te itilize APTC. Pou moun ki te enskri san APTC (sila yo ki pat aplike pou asistans finansyè oswa sila ki te chwazi pou aplike pou okenn APTC yo te elijib pou li a), NY State of Health bay yon tablo pou chèche bon SLCSP la.
3. Si valab, peman davans prim kredi enpo a ki peye pou w ou nan konpayi polis ou a.

5. Poukisa mwen te resevwa plis pase yon Fòm 1095-A?

Genyen plizyè egzanp kote NY State of Health ap mete deyò plizyè Fòm 1095-A. Men pi fò rezon yo:

- Chanjman nan QHP: Si oumenm oswa yon fanmi w te chanje plan pandan ane 2018 la, n ap voye yon fòm ki detaye enskripsyon nan chak plan. Si w te enskri nan yon plan sante, apre sa ou dezenskri nan plan, epi ou re enskri nan menm plan, n ap mete deyò yon fòm pou chak nan de peryòd enskripsyon sa yo.
- Diferan manm fwaye a te enskri nan diferan plan: Si manm fanmi an te enskri nan QHPs soearem n ap mete deyò yon fòm pou chak plan sante.
- Chanjman nan itilizasyon APTC: Si oumenm oswa yon moun nan fanmi an kap peye taks te itilize APTC nan sèten mwa epi te sispann itilize APTC pondan mwa annapre (oswa visvèsa), yon fòm ap soti pandan mwa kote APTC te itilize epi yon lòt fòm ap soti pandan mwa kote APTC pa te itilize.
- Chanjman kay manm aderan: Si gen yon chanjman nan prensipal manm aderan yon polis, yon fòm ap soti pou mwa kote yon moun te prensipal manm aderan, epi yon lòt fòm ap soti pou mwa kote on lòt moun te prensipal manm aderan.

6. Poukisa montan prim chak mwa sou Fòm 1095-A pa matye ak montan prim mwen wè nan kont oswa bil mwen te resevwa nan men plan sante mwen?

Regleman federal pèmèt (A)PTC sèvi sèlman pou avantaj yo konsidere kòm Avantaj Sante Esansyèl (EHB) epi pa fèt pou sèvi pou avantaj kipa EHB. Poutèt Fòm 1095-A founi enfòmasyon yo bezwen pou reklame PTC a oswa rekonsilye APTC a, fòm lan sèlman gen ladann pataj prim ki kouvri EHB, ki ka oswa pa reflekte montan prim chak mwa ou te peye a. Tanpri se pou konnen tou si w te enskri nan yon plan swen dan apa, pòsyon prim pwoteksyon pou dan w lan ki kouvri dan timoun, yo konsidere EHB pa sèlman prim la pou plan sante medikal ou ap rantre nan montan prim chak mwa ou.

W ap jwenn yon lis Avantaj Sante Esansyèl isit la:

<http://info.nystateofhealth.ny.gov/news/what-are-essential-health-benefits> Sèten plan sante sèlman gen ladan yo EHB epi sèten plan gen avantaj anplis (tankou akipenkti).

7. Mwen te enskri nan yon plan sante ak yon moun ki pa te yon madanm/mari oswa yon depandan (tankou yon patnè nan kay oswa timoun ki pa depandan) e nou te resevwa asistans finansyèl. Poukisa non l pa sou Fòm 1095-A mwen an?

Si w enskri nan yon plan sante ak asistans finansyèl ak yon moun ou pa deklare kòm yon depandan sou deklarasyon enpo ou, w ap resevwa yon Fòm 1095-A pou tèt ou ak depandan ou yo (si genyen) epi lòt moun lan ap resevwa yon 1095-A pou li.

IRS la mande nou voye yon fòm separe 1095-A pou chak fanmi kap peye taks ki enskri nan yon plan sante, epi pou l sèlman gen ladann enfòmasyon pou fanmi kap peye taks espesyal sa ou chak fòm 1095-A.

8. Depandan mwen ak mwen te enskri nan yon plan sante ak asistans finansyè. Poukisa depandan pa sou Fòm 1095-A mwen an?

Si w te di sou aplikasyon w lan pou pwoteksyon 2018 lan moun lan pa te yon depandan epi konsa te nan yon fanmi kap peye taks separe, NY State of New York te voye yon Fòm 1095-A bay moun lan. Ou pa kapab tounen dèyè pou chanje enfòmasyon sou aplikasyon NY State of Health ou an, men ou kapab login nan kont ou epi korije enfòmasyon nan aplikasyon w pou lane enskripsyon 2019 la.

9. Tout fanmi m te enskri nan yon plan sante atravè NY State of Health, men sèlman yon moun nan fanmi mwen te resevwa yon Fòm 1095-A. Eske tout moun nan fanmi an sipoze resevwa yon kopi fòm lan?

Si w te enskri avè asistans finansyè, Fòm 1095-A ale jwenn yon moun nan chak fanmi kap peye taks ki enskri nan chak plan sante. Paregzanp, si yon koup marye enskri nan yon plan sante, NY State of Health voye sèlman yon Fòm 1095-A nan mari/madanm ki se pwopriyetè kont lan. Si you koup marye enskri nan yon plan sante avèk asistans finansyè, ansanm ak pitit yo ki pa depandan, n ap voye yon Fòm 1095-A bay pwopriyetè kont lan epi yon dezyèm Fòm 1095-A bay timoun ki pa depandan. Fòm ap gen ladan yo sèlman enfòmasyon yo pou fanmi patikilye sa kap peye taks, menm si genyen lòt moun polis la kouvri.

Si ou pa te aplike pou asistans finansyè, ou pa te blije di NY State of Health kilès ki nan fanmi kap peye taks ou an epi n ap voye yon Fòm 1095-A bay pwopriyetè kont lan pou tout moun ki enskri nan plan sante a.

10. Mwen te sipoze resevwa yon Fòm 1095-A men mwen pa te resevwa ankenn. Kijan mwen ka jwen yon kopi ranplasman Fòm lan?

Si w resevwa yon Fòm 1095-A epi ou se pwopriyetè kont lan sou kont NY State of Health la, ou kapab jwenn fòm lan nan kont ou sou entènèt sou www.nystateofhealth.ny.gov. Rantre sou kont ou epi chèche Fòm 1095-A nan bwat ou. Si ou pa anmezi rantre sou kont ou sou entènèt, tanpri rele NY State of Health nan 1-855-766-7860.

Si ou resevwa yon Fòm 1095-A epi ou pa pwopriyetè kont ou, tanpri rele NY State of Health nan 1-855-766-7860.

11. Kijan mwen ka jwenn enfòmasyon nan yon Fòm 1095 ki pa te pou mwen?

NY State of Health ka sèlman founi Fòm 1095-A ak enfòmasyon sou fòm sa yo bay moun yo te voye fòm lan. Si w bezwen enfòmasyon nan yon Fòm 1095-A ki pa te adrese a oumenm, tanpri kontakte moun yo te adrese fòm lan alimenm lan.

12. Mwen te bliye rapòte yon chanjman nan sikonstans ki te rive nan ane 2018 pwoteksyon an, kisa mwen dwe fè?

Fòm 8962 ap bay sa pou fè sou fason pou amonize chanjman ou pa te rapòte bay NY State of Health. Si ou pa te rapòte yon chanjman nan sikonstans, ou ka elijib pou lòt PTC oswa ou ka dwe IRS PTC a.

Enfòmasyon yo sou Fòm 1095-A reflekte enfòmasyon ou te rapòte bay NY State of Health pou ane enskripsyon 2018 la. Ou pa kapab chanje enfòmasyon pase yo nan kont ou an ki valab pou enskripsyon oswa elijiblite w pou 2018. Ou kapab sèlman fè chanjman pou pi devan.

Si ou pa te mete aplikasyon w lan ajou pou montre chanjman nan lane 2018, tankou yon chanjman nan revni chak ane, kilès ou planifye pou deklare kòm yon depandan, oswa kote ou te viv, chanjman sa yo pap reflekte nan Fòm 1095-A ou gen pou kounye a.

Alavani, si w enskri nan yon plan sante atravè NY State of Health, ou dwe toujou rapòte chanjman nan sikonstans yo rive a.

13. Mwen te enskri nan yon plan sante ak asistans finansyè. Poukisa Fòm 1095-A mwen an montre mwen te gen APTC pou yon mwa kote mwen pa te enskri nan yon plan sante?

Ou elijib pou PTC a sèlman pou mwa kote ou peye kotizasyon pa w nan prim asirans sante ou an. Si plan sante w te ba w kouvèti pandan yon mwa ou pa te peye kotizasyon pa w pou prim lan, ou gen pou repeye PTC ki te peye pou w ou a bay plan sante a pou mwa sa.

Pa egzanp:

Janvyè 2018: Ou enskri nan yon plan sante ak asistans finansyè.

Janvyè - Me 2018: Ou peye kotizasyon pa w pou prim lan alè chak mwa epi APTC a peye nan plan sante w la chak mwa.

Jen 2018: Ou pa peye prim ou,, ou pa chèche mete fen ak pwoteksyon ou, epi ou antre peryòd gras 90 jou an pou peye prim mwa jen ou. APTC te peye nan plan sante w la pou mwa jen.

Septanm 2018: Ou toujou pa peye prim ou pou mwa jen epi ou te fini yon mannyè retwoaktif nan dat 30 jen. Dapre règ peryòd gras prim federal la, plan sante a te mande pou peye founisè pou tout sèvis ki kouri ou te itilize nan mwa jen. Sepandan, ou pa elijib pou APTC pou mwa sa paske ou pa te peye kotizasyon pa w pou prim lan. Paske ou pa elijib ankò pou APTC nan mwa sa, ou pa oblije remèt lajan sa bay IRS. APTC pa te peye apre mwa Jen kidonk obligasyon pou repeye a se sèlman pou yon mwa.

14. Mwen te enskri nan yon plan sante atravè NY State of Health nan lane 2018 epi revni mwen se oswa pi ba 400% FPL epi mwen pa gen yon lòt sous Pwoteksyon Esansyèl Minimòm , poukisa mwen pa te kalifye pou yon kredi enpo?

Lwa sou Swen Bon Mache a (Affordable Care Act, ACA) presize swen sante bon mache lè li koute pa plis pase yon sèten pousantaj nan revni endividyèl oswa familyal. Kantite kredi enpo yon moun oswa fanmi ka resevwa baze sou de faktè: revni fanmi ak pri Dezyèm Plan Ajan Pi Ba Pri a (SLCSP) nan konte kote y ap viv la.. Si SLCSP a koute plis pase sèten pousantaj revni fanmi an, moun lan oswa fanmi an gen dwa elijib pou PTC a. Si SLCSP a koute mwens pase pousantaj spesifye a, moun lan oswa fanmi a pa elijib pou PTC a paske pwoteksyon an deja bon mache.

Tab 2 nan sa yo di pou fè pou Fòm 8962 bay pousantaj revni maksimòm yon moun oswa fanmi ta va peye, sou baz revni yo, pou SLCSP a nan konte pa yo.

15. Enfòmasyon sou Fòm 1095-A pa sanble kòrèk. Kijan mwen ka chanje yo?

Tanpri gade lòt FAQs yo pou wè si yo ede ou konprann enfòmasyon yo ki sou Fòm 1095-A ou an. Si FAQs sa yo pa reponn kesyon ou an, tanpri rele NY State of Health nan 1-855-766-7860 pou jwenn asistans.

16. Mwen te resevwa yon 1095-A korije ki soti nan NY State of Health. Eske mwen gen pou refè taks mwen yo?

NY State of Health pa ofri konsèy sou zafè taks. Tanpri ale sou www.irs.gov pou jwen plis enfòmasyon sou kesyon w lan oswa pou diskite skonstans ak konseye w nan zafè taks.

17. Mwen te ranpli aplikasyon 2018 NY State of Health mwen an sou baz enfòmasyon mwen te genyen sou revni m nan moman mwen te aplike pou asirans lan. Lè mwen te ranpli retou taks 2018 mwen, li te di mwen te gen yon revni pi wo pase sa mwen te atann lan e mwen te elijib pou yon montan kredi taks pi ba. Eske m ap gen pou remèt kredi enpo anplis la? Eske gen yon limit sou kantite mwen gen pou repeye a?

Si revni pou kounye a nan lane 2018 pi wo pase montan revni ou te deklare nan NY State of Health pou lane 2018, epi si ou te itilize sèten oswa tou kredi enpo ou te elijib pou yo a, IRS ka rekipere sèten oswa tout lajan anplis ou te resevwa lè ou kalkile ranbousman taks ou. Si revni 2018 ou pi ba pase 400% FPL ka genyen yon limit nan montan ou gen pou remèt la. Si revni 2018 ou an egal oswa plis pase 400% FPL, IRS la ap rekipere tout montan ou te resevwa lè ou kalkile ranbousman taks ou. Tanpri gade sa yo di w fè sou Fòm 8962 pou jwenn plis enfòmasyon sou limit ranbousman. Ou ka ale tou sou www.irs.gov pou jwenn plis enfòmasyon.

18. Apre mwen ranpli deklarasyon retou enpo 2018 mwen, men rete dwe kèk enpo kredi pou IRS. Kijan mwen ka evite sa lòt ane a?

Si ou te gen pou remèt kredi enpo paske revni w jounen jodi a pi wo pase revni ou te espere pou lane 2018, ou gen dwa konsidere aplike yon pati nan kredi enpo maksimòm ou an nan prim ou nan lane 2019 olye ou itilize tout kredi enpo ou elijib pou yo a. Epitou, si revni chan ane ou chanje pandan ane 2019 la, asire w ou deklare chanjman sa bay NY State of Health san pèdi tan.

Pi bon fason pou evite remèt kredi enpo se asire w revni ou kalkile nan aplikasyon NY State of Health ou an kòrèk. Si revni ou chanje pandan ane 2019 la, asire w ou deklare chanjman sa bay NY State of Health san pèdi tan.

19. Apre mwen fin ranpli deklarasyon enpo 2018 mwen, kredi enpo prim mwen te pi wo pase lè mwen te resevwa avi sou kalifikasyon mwen pou NY State of Health. Poukisa sa rive?

Montan kredi enpo sou prim davans ou a te baze sou estimasyon revni fanmi wak enfòmasyon ki te disponib lè w te enskri a. Lè w ranpli Fòm 8962 IRS la, kredi enpo sou prim final ou a pral baze sou revni reyèl ou ak pri dezyèm plan ajan ki pi ba nan konte kote w ap viv la. Si kredi enpo sou prim final ou an nan Fòm 8962 a plis pase kredi enpo sou prim davans ou a, ou ka jwenn plis èd finansye sou fòm yon ranbousman ki pi gwo oswa yon rediksyon taks.

20. Si m te gen pou remèt kèk kredi enpo bay IRS, eske mwen gen pou m repeye kredi enpo nan plan sante mwen?

Non. Ou gen obligasyon pou amozine kredi enpo ou ak IRS la. Ou pa amonize enpo kredi ou yo ak plan sante w.

21. Mwen te enskri nan yon plan NY State of Health ak Rediksyon Pataj Kou yo (Cost Sharing Reductions, CSR). Eske mwen gen pou rekonsilye avantaj CSR yo lè m ap depoze taks mwen?

Non. SR pa amonize.

22. Mwen pa dakò ak NY State of Health sou kantite APTC mwen te kalifye pou m resevwa nan lane 2018. Eske mwen ka depoze yon apèl ak NY State of Health?

Detèminasyon kalifikasyon, san bliye montan APTC yon moun kalifye pou li a, ka jwen kontestasyon nan 60 jou apre dat detèminasyon an. Sa vle di pi fò desizyon kalifikasyon APTC yo pa kapa konteste nan moman ou resevwa Fòm 1095-A.

Sepandan, si ou te itilize APTC pandan 2018, w ap blije amonize deklarasyon retou taks montan APTC ou te itilize a ak montan ou te elijib pou li a. Olye nou depoze yon kontestasyon nan NY State of Health pou elijiblite APTC 2018 ou an, lè ou ranpli deklarasyon enpo ou sa ap garanti ou jwenn tout kredi enpo ou kalifye pou yo a.

23. Mwen pa dakò ak enfòmasyon yo ki sou Fòm 1095-A mwen an. Eske mwen ka depoze yon apèl?

Ou pa ka fè apèl Fòm 1095-A.

Tanpri gade lòt FAQ yo pou wè si yo ede ou konprann enfòmasyon yo ki sou Fòm 1095-A ou an. Si FAQ sa yo pa reponn kesyon ou an, tanpri rele NY State of Health nan 1-855-766-7860 pou jwenn asistans.

24. Ki kote mwen ka jwenn èd pou fè deklarasyon enpo mwen?

Ou ka jwenn sistans nan men konseye w oswa moun kap prepare deklarasyon enpo. Ou ka jwenn tou èd nan IRS sou www.irs.gov oswa nan nimewo IRS (800) 829-1040, lendi rive vandredi, 7:00am-7:00pm. Sitwèb IRS la ofri “Ed ak Resous” pou moun ki bezwen sa. Ed gen ladann “Ed Legal pou Kontribiyab Lokal” ak “Klinik pou Moun Ti Revni kap peye taks.”

Genyen tou asistans sou zafè taks nan Sit Asistans Fiskal pou Salè Volontè (Volunteer Income Tax Assistance Sites, VITA) lokal yo pou kontribiyab ki anjeneral fè mwens pas \$53.000 oswa gen andikap, oswa limite nan pale angle, oswa granmoun anpil. Pou plis enfòmasyon rele (800)-906-9887 oswa ale sou www.irs.gov/Individuals/Free-Tax-Return-Preparation-for-You-by-Volunteers

25. Eske map gen pou fè enpo mwen pou 2018?

Si w te enskri pandan youn oswa plis mwa ak kredi enpo, ou blije fè taks ou. Ou pap kapab itilize fòm kout yo tankou Fòm 1040EZ. W ap gen pou itilize youn nan fòm pi long yo, tankou Fòm 1040 oswa Fòm 1040A. Ou dwe tou depoze Fòm 8962 ak retou taks ou. Si ou bezwen asistans ak fòm sa yo, tanpri ale sou www.irs.gov pou jwenn plis enfòmasyon.

Si w te enskri san kredi enpo, tanpri ale sou irs.gov pou jwenn plis enfòmasyon.

26. Poukisa mwen te resevwa yon fòm 1095 ki soti yon lòt kote ki pa NY State of Health?

Moun resevwa yon Fòm 1095-A separe pou chak kalte asirans sante kote yo te enskri nan lane 2018. Twa kalte fòm 1095 yo se 1095-A, 1095-B ak 1095-C.

Fòm 1095-A te ale jwenn tout moun ki te enskri nan yon QHP (avèk ou san yon kredi enpo) nan Marketplace yon lè nan lane 2018.

Fòm 1095-B a te ale jwenn tout moun ki te enskri nan Medicaid, Child Health Plus, Essential Plan, oswa Medicare yon lè nan lane 2018. Li te ale jwenn tou tout moun ki te enskri nan asirans sante atravè yon ti patwon yon lè nan lane 2018. Nou ankouraje konpayi asirans plan Medikaman Chè, men yo pa oblije voye fòm 1095-B bay manm yo.

Anpil patwon (50 + anplwaye) te voye Fòm 1095 lan by tout moun ki te anwole nan asirans yon patwon te ofri andeyò NY State of Health Marketplace.

Si w gen kesyon sou fòm 1095 ou yo, tanpri rele nimewo telefòn ki sou fòm sa yo.

27. Madanm/mari m te prensipal pwopriyetè kont lan mwen li mouri kounye a. Kijan mwen ka jwenn Fòm 1095-A yo a pou ka fè enpo mwen?

Pou madanm/mari ki fè deklarasyon revni yo ansanm, nou ka bay Fòm 1095-A bay mesye/madanm ki gen nonl ekri sou Fòm 1095-A.

28. M ap eseye jwenn Fòm 1095-A yon moun ki mouri. Li pa madanm/mari m e mwen pa sou Fòm 1095-A antanke madanm/mari li kite dèyè.

Ou dwe fè demann ou an pou Fòm 1095 lan alekri nan yon lèt w ap voye bay NY State of Health. Lèt sa dwe gen ladann kopi kokiman tribinal la ki gen non egzekite oswa administratè a pou byen pwopriyete moun mouri an. Dokiman tribinal sa yo souvan rele Lèt Testaman oswa Lèt Administrasyon. Ou kapab konsilte yon avoka si w gen kesyon sou kijan pou jwenn dokiman sa yo. Yon fwa li resevwa yo, NY State of Health ap bay Fòm 1095-A pou moun non l ekri nan dokiman yo kòm egzekite oswa administratè.

Remake, menm lè ou gen pwokirasyon pou moun mouri an, ou dwe toujou founi demann lan alekri ak dokiman tribinal yo prezante pi wo a pou ka jwenn Fòm 1095-A.

29. Mwen te resevwa yon lèt 12C k soti nan IRS sou Enpo Kredi sou Prim. Kisa pou mwen fè ak lèt sa?

IRS la te voye ba w lèt sa paske NY State of Health te fè yo konnen peman davans kredi enpo prim lan te fèt pou w ou nan konpayi asirans ou pa w la oswa pa fanmi w lane pase. Mete sou sa, ou pa te amonize peman davan kredi enpo prim lan nan Fòm 8962 lè ou te fè enpo 2018 ou yo.

Ou oblije reponn lèt la, menm si ou pa dakò ak enfòmasyon ki ladann yo. Swiv sa yo di w fè nan lèt la epi ajoute Fòm 1095-A ak Fòm 8962 la nan reponn w ap voye bay IRS la. NY State of Health pa kapab reponn kesyon sou Fòm 8962 a oswa sou pwosesis depo taks la; ou dwe konsilte yon preparatè taks oswa kontakte IRS si w gen kesyon. Se pou konnen ou dwe reponn lèt la mwen si ou pa te enskri nan asirans sante atravè Marketplace la ditou.

FAQ sou Taks, Fòm Taks ak Egzansyon

Si w gen kesyon sou nenpòt sa k annapre yo, tanpri ale sou www.irs.gov pou jwenn plis enfòmasyon oswa diskite sou yo ak konseye w nan zafè taks. Kesyon sa yo spesifik pou deklarasyon enpo e nou pa kapab founi konsèy sou taks.

- Mwen pa te aplike pou asistans finansyè nan NY State of Health. Eske ou kapab di m si mwen ka reklame PTC a sou retou taks mwen pou lane 2018?
- Kilès ki nan Fanmi taks mwen an? Kijan mwen detèmine si yon moun se yon depandan?
- Kijan mwen rapòte pwoteksyon swen sante sou retou taks mwen?
- Kijan mwen rapòte enfòmasyon yo ki sou Fòm 1095-A mwen yo sou retou taks mwen?
- Eske mwen bezwen ranpli Fòm 8962?
- Kijan pou m ranpli Fòm 8962 sou deklarasyon enpo mwen? Fason pou m itilize Fòm 1095-A pou m ranpli Fòm 8962 mwen an. Kisa pou m konte kòm revni? Kisa FPL mwen ye?
- Eske mwen dwe IRS lajan? Eske IRS ap remèt mwen lajan? Konbyen kredi enpo m ap gen pou remèt IRS? Konbyen kredi enpo anplis p am resevwa nan IRS?
- M ap travay ak tèt mwen. Eske mwen ka dekalre prim NY State of Health kòm yon depans pwofesyonèl sou deklarasyon enpo mwen?
- Mwen te gen pou m remèt kredi enpo oswa mwen te resevwa kredi enpo anplis. Eske mwen dwe kalkile revni mwen yon lòt jan pou lane 2018?
- Kijan pou m mande yon egzansyon nan obligasyon Responsablite Endividyèl la?
- Eske mwen dwe yon Peman Responsablite Pataje Endividyèl?
- Ki revni yo bezwen konsidere lè y ap kalkile Peman Responsablite Pataje Endividyèl la?
- Mwen te enskri nan yon plan sante ak asistans finansyè epi revni mwen pou kounye a pi ba pase 100% FPL. Eske mwen toujou elijib pou PTC a?